

Darumb die Leucht im Thurn/das Fervor im Schiffe macht/  
 Daß die Wacht sieht das Schiff/das Schiffe sieht die Wacht.  
 Was für ein Lust ist das/wann viel Schiff anelangen  
 So sie mit vielen Schuß' hie werden all empfangen/  
 M.N. Auff puff/ folgt Puff/ der Puff mit Puff sehr oft vermehrt/  
 Schalt/ knalt vnd pralt/ das man es in die ferne hört:  
 Dann kompt das schwebend Hausß im Wasser her gegangen.  
 Das Schiff/ die Wetterhütt; an seinen Segelstangen  
 Thun wallen hin vnd her die Fähulein groß vnd klein/  
 Vnd will an dem gemäld ein jedes schöner sein.  
 Der Botsknecht henckt sich an/ an seine Saylergitter/  
 Vnd frewet sich daß er entrunnen dem Gewitter/  
 Die Tücher auffgedehnt/ vnd schwanger von dem Winde  
 Verliehren die Geschwulst/ ein jedes Ruhe findt.  
 Der wolverbichte Bauch ist seiner Bürd entladen/  
 Will seinen Ancker nicht auff hoher See mehr baden/  
 Der Schnabel vnd der Schwanz ist seiner Müß enthebt/  
 Der Schiffmann nimmermehr in Wind vnd Regen schwebt/  
 Nun schreitt ich zu dem Basß der Schiffen vnd Galeren /  
 O.P. Von welchen ihr doch mehr werdt in den Blättern hören  
 Die ihr vor Augen secht/ drum spar ich hie die Zeit  
 Vnd will das Wercke selbs zuzaißen sein bereit.  
 Doch kan ich nicht vmbgehn/ zu prüfen meine Sinnen/  
 Wie das der Menschen muth so kecklich thue beginnen  
 Der Erden ohn zu sein/ vnd durch die wilde See  
 Im Lufft vnd in dem Wind als die Delphinen geh:  
 So müssen wir die Kunst von wilden Thieren fassen/  
 Vnd wie die Fische thun auff flossen vns verlassen/  
 Die man jetzt Ruder heist/ da schwimmen wir dahin  
 Vnd suchen vnsern Feind/ vnd streben nach Gewin.  
 Das Orlochschiffe mag den Blasen sich vergleichen  
 Die der Wind eingefüllt; das Wasser muß ihm weichen  
 Vnd heben weit embor/ wie auch den Binkzen gschicht/  
 Der Segel faßt den Lufft/ der Bauch ist wol verbicht.  
 Wie in dem Thamesis die silberweisse Schwauen  
 Mit ihrem Federwerck die Wasserwellen bahnen /

Architectur  
ra navalis.